



02.april 2019

UPA2019/123

Naalackersuisut kingusinnerpaamik UPA2020-imut Aasianni annertuumik innarluutillit angerlarsimaffiannik pilersitsinissaminut pilersaarusoqqullugit peqquneqarnissaanik siunnersuut.
(Inatsisartunut ilaasortaq Aleqa Hammond, Nunatta Qitornai)

Naalagaaffiit Peqatigiit Innarluuteqartut ikiorserneqartarnerat pillugu nalunaarut Nunatsinnut atortuulersinneqarnikuusoq naapertorlugu innarluuteqartortatta pitsaanerpaamik ikiorserneqartuarnissaat pisussaaffigaarput.

Pingaaruteqarpoq innarluuteqariaaseq aammalu innarluuteqartut qanorpiaq kiffartuunneqartarnissai pillugit ilisimasaqarluartunik, ilinniarluarsimasunit aammalu patajaallutik aalajaatsumik isumagineqartarnissaat. Annertuumik innarluuteqartortavut maannakkut sullinneqartut sullinneqarnerat pitsaanerpaaffissaaniitinniarlugu ullumikkut unammillernartunik atugassaqartitsisarpuqut sulisussat ataavartut pissarsiariuminaammata, ilinniarluarsimasut sullittussat amingarmata, sulisut paarlagaattut ajornartorsiutaammata ilai taalaanginnarlugit. Ullumikkut piusut suliniarnerat ilungersunartumeereersoq erseqqissaassutigineqarpoq. Tamanna assut isumaqatiginarpoq, ilumimmi kissaatiginaraluaqaaq nunaqqativut tarmarmik nunatsinni isumagineqarsinnaappata. Ajoraluartumilli taamaanngilaq taamaammanuna qallunaat nunaat suleqatigineqartoq isumaginnittunngorlutit sulisutigullu uagut sulisorisatsinnut piginnaasatigut annertusaanissatigut.

Siunnersuuteqartoq ugguuna isumaqatiginaraluaqaaq Aasianni inunnut annertuumik innarluuteqartunut ulloq unnuarlu paaqqinniffilimmik pilersitsisoqassasoq aammalu pilersaarut taanna upernaakkut aappaagu ataatsimiinnissami saqqummiussisoqassasoq suliakkiineq. Pilersitsiumassutsip tunniussassat pitsaassusaannik taarserneqassanngitsoq isumaqarpugut. Nukissavut maannamut atorluassuavut, sulisorisavut pikkorissartuassuavut, sulineq patajaallisassuaput, piginnaasavut annertusarneqassapput – tamarmik kiffartuussassamut iluaqutissaq anguniarlugu sulissuugut.

Maannakkut piffissaanngilaq siunnersuuteqartup pilersitsinissamut siunnersuutaata piviusunngortinniarnanarut sulinissaq, nukissat kivitsisussallu suli maannamut ingerlatarineqartunut naammassivillugit angusinnaatinnagit.

Naalackersuisunut kaammattuutigiumavarput innarluuteqartortatta kiffartuunneqarneranut sulinerit, pikkorissaanerit, ilinniartitseqqiisarnarlu pillugit suliat inatsisartunut saqqummiussarineqartartut avataatigut allanik paasissutissanik peqarunik tunniusseqqullugit taamaasilluta suliniutit siunertarisaanut angutserlugit sulinermut malinnaaqqulluta.